

解組後卒於常熟貧不能歸邑人欲畱葬虞山享年八十有六其子聰扶櫬還里人爭賻贈哭送於河干者數十里邑紳陶貞一爲之撰墓誌銘虞人思之至今如故

趙孝子墓碑記

趙完璧

山陰人廣西思恩太守

趙孝子父子楊浙之蕭人也癸酉四月携輕貲遠商於邕已卯以二鎚家問囑杭友孫養素倩鄉人而歸之孫謹甚藏笥中者數年癸未發端州時遙聞子楊走安南道死至杭日渡

江訪其家見母女立閨中一童子自內出閨中婦曰此子楊兒也名德仁詢其年云父去後六月十五生今年十一齡矣家蕭條問食指凡幾云姑老而瞽叔則亡矣出書授之語以入交南事未敢遽以函問告也乙未元日孫在邕有客言德仁之來尋父骸者輒驚問曰彼烏能至此客搖手曰憊極矣亟往其寓叩之曰若識我乎曰識是曾携父書過吾家者睇其貌酷似子楊詰其來狀含淚言曰大

母已歿兩姊適人吾托母於姊而來步行六月有奇言已淚下形容枯悴兩足在板床上血迸皮浮莫可伸屈孫睹之戚然詰朝移其寓他所而衣食之能起立逢人擊額跪問瘞父處鳴噎不能言於四月得叢葬天涯亭之說輒辭孫欲往孫曰余訪知汝父之夥洪姓而偕行者莫姓也洪亦物化莫他往未至傳聞者其足信乎德仁號曰吾何心坐待孫哀之而給以資聽其往抵天涯亭野塚累累蹤

廣州府志卷之十一
跡不可得六月返邕而莫姓者至矣莫曰曩
與洪趙聯帆往子楊至陸屋之平壁村而歿
洪乞閩人林姓地而埋之至林之家卽知所
瘞確處時有杭人曹天保欲自邕走欽訪其
兄之停櫬地者孫欣然呼之相見均以途費
予之伴而往天保先得兄棺德仁繼獲父柩
本敗肉盡皆不火而收其骨曹幸歸葬有期
而德仁哀毀益甚還陸屋之天妃廟中奄奄
餘息一慟而絕此乙未陽月朔也里人鄭文

遠哀其事具棺余殮之與父骨同葬廟側凡
在斯地者莫不呼趙孝子而哭以奠之天保
獨返至邕泣訴於孫孫頓足曰天乎痛哉夫
余與孫戚也與余言輒墮淚余迺嘆粵東西
之陞多客死其骨肉走嶺外求遺骸已得終
以身殉若趙孝子之慘者當秋風夜雨羣聚
呼嘯時望故鄉而對泣不更欷歔欲絕乎而
養素獨語余曰孝子不死鬼神護之知必有
不忍餒其父子者而第不可使後之無傳遂

丐余文礮石以載之嗚呼是其莫可及已若
養素生平則類是者多不待余言之贅也是

爲記

列女

王康臣妻姓劉氏靈山人宋貢士劉顏之女事
舅姑盡孝道與夫割股以療舅疾郡守爲奏
立旌孝坊以表之

李蘭香合浦進誠鄉人李清女也始有張指揮

者爲其子聘業已許之後張瞰知女貧爲改圖女聞之遂誓不字母以允他姓語之女泣曰烈女不更二夫吾爲人所棄如此何顏面更適人願守所志以終母不我聽有死而已且聞在家從父今父暫出而母可得專耶迨父歸如母議女志不獲伸遂竟書張氏子姓名置懷中縊以死

於德妻姓劉氏永安人年十八歸於氏方九月而德卒劉號痛三年不束笄旣終喪舅姑憐

其少諷使改適仰天拊心以死自誓迨舅姑
沒殯葬以禮孀居五十年堅貞之操如一日
陳氏合浦人適顧清清任賓州訓導卒於途訃
至陳痛哭幾絕時年二十有五生遺腹子長
名行業儒以孝聞行亦蚤卒婦佟氏堅志事
陳嘗相謂曰從一而終婦之道也幸有先人
之遺孤在他日使顧氏有後死且不恨越十
一年佟亦卒時陳七十餘矣憫其婦先亡痛
悼而歿人咸哀之御史蘇恩表其閭

岑氏惠聰者合浦人包廉妻太學生岑珠之女也年十八歸廉甫三載廉以弘治甲子舉人就業南雍卒岑年二十三誓無貳志至老而操愈勵嘉靖初御史蘇恩表厥宅里

張寶妻王氏指揮王綱之女名蕙著年二十二寶卒痛哭幾絕旣葬乃屏跡不出房閨訓二遺孤以學比輒長嗣祖職以平清遠寇功擢都指揮同知時氏年六十七矣有司以狀聞嘉靖丙申詔旌表其門

高桂女合浦人。適林廷秀。時年十八。五年而廷秀歿。有三歲孤。比長而故高氏撫其遺腹子。見其成立。家事窘乏。誓無二心。守志三十九年。嘉靖丙午。知府何御額其室曰節婦。卒年

七十

岑節婦女包氏。名蘊。姨年十七。適王世麟。歲貢生王文儲之母也。嫁三載而寡。文儲方在襁。祿孀居。堅志養舅姑。撫弱媳。勵節四十年。終始無玷。嘉靖丙午。知府何御題貞節。時年六